

平苗考第十三

辰州府志十三

知府事吳縣席紹葆宜民輯



郡屈蠻疆山叢水沃蠢類滋生偪吾肘腋虞曰三苗得
征弗克干羽兩階七旬迺格自周迄明代有兵革以撫
則驕以誅則匿歷世千年終無完策

大清勃興誕敷文德蠻荆來威休哉樂國在安之思鑒
古為則作平苗考第十三

虞

帝舜三十六載辛酉有苗昏迷弗恭帝命禹徂征三旬
苗民 禹班師振旅帝乃誕敷文德舞干

辰州府志

卷十三

平苗考

一

羽於兩階七旬□苗格

綱鑑

周

宣王二年乙亥時荆蠻叛王命方叔將兵征之荆蠻來
服於是有采芑之詩 綱鑑

按朱子詩傳蠻荆荆州之蠻也辰州古屬荆州

平王時蠻遂侵暴上國晉文侯輔政乃率蔡共侯擊破
之 後漢書南蠻傳補

按蔡共侯立於平王十年次年即卒擊蠻應在十
年十一年之間後漢書無明文故闕之

桓王二十一年壬午楚 武王十四年 屈瑕伐羅羅與□戎□

軍之大敗之莫敖縊於荒谷

左傳魯桓公十三年

按杜預註盧戎南蠻也

匡王二年庚戌楚

莊王三年

大饑庸人帥羣蠻以叛楚秦人

巴人從楚師以伐庸羣蠻從楚子盟遂滅庸

左傳魯

文公十六年

補

按後漢書南蠻傳云羣蠻自是遂屬於楚

簡王二年丁丑秋八月

楚共王七年

吳入州來蠻夷屬於楚

者吳盡取之

綱鑑正史約補

十一年丙戌夏六月晉敗楚

共王十年

師於鄢陵蠻人從

楚軍而不陳遂敗

左傳魯成公十六年補

辰州府志

卷十三

平苗考

二

安王十五年甲午吳起奔楚楚

悼王十五年

以為相南并

蠻越遂有洞庭蒼梧

綱鑑

南蠻傳

赧王三十八年甲申

楚頃襄王二十二年

秦蜀守張若攻楚取巫

郡及江南為黔中郡

史記秦紀補

按正義註黔州故城在辰州是秦有黔中在赧王

三十八年取之者為張若明甚而後漢南蠻傳以

為秦昭王使白起伐楚略取南蠻始置黔中郡宋

史因之考史記楚世家及綱鑑皆云秦白起伐楚

拔郢燒夷陵未嘗言黔中且事在赧王三十七年

後漢書誤也當從史記為是

二十九年乙酉楚

頃襄王二十三年

西取秦所拔我江旁十五

邑以爲郡距秦

史記楚世家補

按正義秦紀註黔中郡反歸楚

漢

建武十九年癸卯左中郎將臧宮擊武谿賊至江陵降之
後漢書臧宮

建武二十三年丁未十二月南蠻精夫相單程等據其險阨大寇郡縣遣武威將軍劉尚發南郡長沙武陵兵萬餘人乘船斥沅水入武谿擊之尚輕敵入險山深水疾舟船不得上蠻民知尚糧少入遠又不曉道

辰州府志

卷十三

平苗考

三

徑遂屯聚守險尚食盡引還蠻緣路徼戰尚軍大敗

悉爲所沒

南蠻傳

光武帝紀

按岢溪雜志云苗人渠帥謂之精夫

二十四年戊申秋七月相單程等下攻臨沅遣謁者李嵩□山太守馬成擊之不克馬援請行帝愍其老援據鞍顧盼以示可用帝壯而遣之

後漢書

綱鑑

二十五年己酉秋伏波將軍馬援率中郎將劉匡馬武孫永等將軍至臨沅遇賊攻縣迎擊破之斬獲二千餘人賊散走入深林二月援進營壺頭賊乘高守隘水疾船不得上會暑甚士卒多疫死援亦中病而卒

後單程等饑困監軍謁者宋均矯制告諭悉降之□
漢書 綱鑑

按後漢馬援傳及正史約俱作臨鄉注臨鄉鄉名
在武陵縣南蠻傳作臨沅考後漢郡國志是時武
陵稱郡臨沅爲首縣則南蠻傳所紀得之宋史作
臨淮者訛又宋均訛宗均辨詳名宦傳中

建初元年丙子武陵澧中蠻陳從等反叛入零陽蠻界
原注零陽縣屬武陵郡冬十月零陽蠻五里精夫爲郡擊破
從等皆降 南蠻傳 章帝紀 補

三年戊寅冬武陵澧中蠻覃兒健等復反攻燒零陽作

辰州府志

卷十三

平苗考

四

唐孱陵

三縣俱屬武陵郡

界中

章帝紀

南蠻傳 補

四年己卯春發荊州七郡及汝南潁川施刑徒吏十五
千餘人拒守零陽募充 縣名屬武陵郡中五里蠻精夫不叛
者四千人擊澧中賊 南蠻傳 補

五年庚辰春覃兒健等請降不許戰於宏下大破之斬
兒健首餘皆棄營走還澧中復來乞降乃受之 南蠻傳 補

永元四年壬辰冬武陵零陵澧中蠻潭戎等反燔燒郵

亭殺掠吏民

和帝紀

南蠻傳 補

五年癸巳武陵郡兵破叛蠻降之

和帝紀 補

六年甲午武陵澧中蠻叛郡兵討平之

和帝紀 補

按五年降蠻六年淩中蠻叛南蠻傳皆并於四年
內此總傳省文耳今分書宜從本紀後仿此

元初二年乙卯武陵澧中蠻以郡縣徭稅失平懷怨恨
遂結充中諸種二千餘人攻殺長吏州郡募五里蠻
六亭兵追擊破之皆散降賜五里六亭渠帥金帛各
有差

安帝紀

南蠻傳

東觀記

補

三年丙辰秋淩中澧中蠻四千人並爲盜賊又零陵蠻
羊孫陳湯等十餘人著赤幘稱將軍燒官寺抄掠百
姓州郡募善蠻討平之

南蠻傳

補

永和元年丙子武陵太守上書請增蠻苗租賦尚書令

辰州府志

卷十三

平苗考

五

虞詡諫不聽冬澧中淩中蠻果爭貢布非舊約遂殺
鄉吏舉種叛

南蠻傳

侯志

二年丁丑春正月蠻一萬圍充縣八千寇夷道二月武
陵太守李進討破之斬首數百級餘皆降服進乃簡
選良吏得其情和在郡九年增秩賜錢有差

順帝紀
南蠻傳

元嘉元年辛卯秋七月武陵蠻詹山等四千餘人反叛
拘執縣令屯結深山

桓帝紀

南蠻傳

按水經注沅水又逕寶應明城側應明以元嘉初
伐蠻所築也

永興元年癸巳武陵太守應奉以恩信招誘叛蠻降之

延熹三年庚子冬十二月武陵蠻寇江陵車騎將軍馮

緄討之皆降散荆州刺史度尚討長沙蠻平之桓帝

紀 南蠻傳

五年壬寅冬十月武陵蠻叛寇江陵南郡太守李肅坐奔北棄市辛丑以太常馮緄爲車騎將軍討之假公卿以下俸又換王侯租以助軍糧出濯龍中藏錢還之十一月馮緄大破叛蠻於武陵桓帝紀

六年癸卯秋七月桂陽盜賊李研等寇郡界武陵蠻復叛太守陳奉與戰大破降之桓帝紀

辰州府志

卷十三

平苗考

六

按應奉傳奉爲武陵太守降蠻後以公事免延熹初武陵蠻復寇馮緄以奉爲蠻苗所服上請與俱征拜從事中郎則此陳奉宜是應奉之誤稱太守或仍其舊官也不然何傳有復至之文而此不詳七年甲辰秋荆州刺史度尚擊零陵桂陽盜賊及蠻苗大破平之桓帝紀

按南蠻傳永壽三年十一月長沙蠻叛屯益陽至延熹三年秋遂抄掠郡界衆至萬餘人寇江陵荆州刺史劉度謁者馬睦南郡太守李肅皆奔走肅主簿胡爽抱馬固諫肅遂殺爽而走帝聞之□□

棄市度睦減死一等復爽門閭拜家一人爲郎於是
是以右校令度尚爲荊州刺史討長沙賊平之又
遣車騎將軍馮緄討武陵蠻並皆降散軍還賊復
寇桂陽太守廖祈奔走武陵蠻亦更攻其郡太守
陳奉率吏人擊破之斬首三千餘級降者二千餘
人較本紀事跡先後各不相同附記之以俟論定
中平三年甲子武陵蠻叛寇郡界郡兵討破之靈帝紀南蠻傳
建安末武陵蠻反孫權以黃蓋領太守時郡兵才五百
人蓋開城門賊半入擊敗之追斬其魁亂遂平三國志
章武元年辛丑秋七月漢將軍吳班馮習自巫攻破吳

辰州府志

卷十三

平苗考

七

將李異等軍次秭歸武陵五谿蠻獠遣使請兵三國志

二年壬寅春二月帝自秭歸進軍緣山截嶺於蠻道獠

亭駐營自佷山通武陵遣侍中馬良安慰五谿蠻

於是諸縣及五谿民咸相率響應助漢攻吳三國志

吳

黃龍三年辛亥春二月吳遣太常潘濬率衆五萬討武

陵蠻獠衛溫諸葛直皆以違令無功下獄誅三國志

嘉禾三年甲寅冬十一月吳太常潘濬鎮南將軍呂岱

共平武陵蠻三國志

六年癸未魏遣郭純試守武陵率涪陵民屯於赤

沙誘致諸蠻邑君進攻西陽縣郡中震懼吳以鍾離
牧爲平魏將軍領武陵太守率所領晨夜兼進緣山
險行垂二千里從塞上斬魁帥百餘人及其支黨凡
千餘級純等散五谿平

三國志

魏

咸熙元年甲申武陵四縣舉衆叛吳魏相司馬昭以羅

憲爲武陵太守

襄陽記

晉書

按三國志武陵邑侯相嚴等糾合五縣歸於魏應
卽此事特四與五字異耳

晉

辰州府志

卷十三

平苗考

八

永嘉初荊州都督王澄以南平太守應詹督南平天門

武陵三郡軍事天門武陵谿蠻並反詹討降之破銅

券與盟其後天下大亂詹境獨全

晉書應詹傳

建興三年乙亥杜弢將王貢以精卒三千出武陵江誘

五谿蠻以舟師斷官運徑向武昌荊州刺史陶侃遣

將大破之

晉書陶侃傳

咸和四年己丑長沙郡公陶侃遣諮議叅軍張誕討五

谿蠻降之

陶侃傳

按湖南省志義熙十一年賊黨郭亮之招集蠻衆
屯據武陵太守王鎮惡出奔且云出晉書考晉書

無之卽宋書南史亦無之省志所紀大都如此

朱

泰始中荊州刺史沈攸之責賾蠻獠以財贖罪也伐荊州於是

蠻部大亂抄掠平民至郡城下武陵內史蕭嶷遣隊

主張莫一作英兒率將吏擊破之南齊書南史補

附

宋賦役嚴苦貧者不復堪命多逃亡入蠻蠻無徭役強者又不供官稅結黨連郡動有數百千人州郡力弱則起爲盜賊所居深險在武陵者有雄溪櫛溪辰溪酉溪武溪謂之五溪蠻而宜都天門巴東建平江北諸郡蠻所居亦皆人跡罕至自景平至昇明終宋

辰州府志

卷十三

平苗考

九

之世荊州爲之虛弊南史補

按五代時天下多故苗事多略偶有所紀亦無年歲可指故仍其原文附之於各代之末

又按舊志載宋武帝永初時黔陽蠻寇掠州郡討平之遍考南史諸書並無其說惟宋書永初一年正月南康揭陽蠻反郡縣討破之豈因揭陽而訛耶

齊

建元元年己未豫章王蕭嶷爲南蠻校尉荆湘二州
□都督八州先是義陽劫師張羣亡命積年鼓行□

賊義陽武陵天門南平四郡界被其殘破沈攸之連討不能擒乃招至之 二年蕭嶷遣中兵叅軍虞欣祖爲義陽太守使降意誘納厚爲禮遺賊帥張羣至斬之其黨數百人皆散四郡獲安 南史 南齊書 補

附

武陵西溪蠻田思颺爲寇內史王文和討之引軍深入蠻自後斷其糧豫章王遣中兵叅軍莊明將五百人合湘州鎮兵千人救之思颺與文和拒戰中弩死蠻衆以城降 南齊書 補

按齊書蠻傳田思颺叛無編年但序在永明之前中間豫章王應卽是蕭嶷其時方爲荆湘二州刺

辰州府志

卷十三

平苗考

十

史則遣莊明將湘州兵必嶷也以事無明文故仍闕之

水明初巴建蠻向宗頭與黔陽蠻田豆渠等五十人爲寇巴東太守王圖南遣府司馬劉僧壽等斬山開道攻其砦宗頭夜燒砦退走 南齊書 補

梁

承聖三年甲戌西魏恭帝加趙昶驃騎大將軍開府儀同三司潭水羗叛殺武陵潭水二郡守昶率儀同駱天乂等討平之 北史 補

陳

永定元年丁丑十月郢州王琳起兵討陳二年戊寅三月王琳立永嘉王蕭莊於郢州旋奔齊是歲又爲後梁宣帝蕭詧天定四年詧遣其大將軍王操率兵略取王琳之長沙武陵南平等郡

周書

補

天嘉元年庚辰三月郢州刺史孫瑒叛以州歸於陳八月甲午周將賀若敦率馬步一萬奄至武陵武州刺史吳明徹不能拒引軍還巴陵

陳書

補

一年辛巳秋七月周將賀若敦自拔遁歸人畜死者十七八武陵天門南平義陽河東宜都郡悉平

陳書

補

大建十年戊戌周宣政元年三月詔柱國豆盧寧征江

辰州府志

卷十三

平苗考

十一

南武陵南平等郡所有土庶爲人奴婢者悉依江陵

放免

北史

補

唐

武德三年庚辰蕭銑將董景珍始以沅陵郡降郡自大業十三年蕭銑稱梁公據之凡四年

唐書帝紀

補

按舊志武德初兵威遠懼諸蠻漸附始置巫錦溪富叙州等處環治旋置麻陽隸於錦州中多大姓彭氏舒氏向氏冉氏田氏盤據因彭處以上下溪及保靖等州因冉處以西陽各分土管轄土酋中環五種苗蠻多石龍吳麻田姓自高巖居下者多

澠溪蠻屬辰州路盧溪自高巖居上者名夜郎□
縣猫狍屬思南考唐書楚紀元和郡縣志武德三
年分沅陵辰溪二縣置麻陽縣隸辰州武后垂拱
二年始分置錦州天授二年始置溪州則皆非武
德初而麻陽又未嘗隸錦州也又考宋史始分上
中下溪及保靖等州卽諸大姓分土而處皆在宋
時至稱辰州路則又元制矣舊志本文獻通考今
考之如此識者辨之

開元十二年甲子五溪首領覃行章亂詔楊思勗爲黔
中招討使率兵六萬往執行章斬首三千級唐書
者傳宦

辰州府志

卷十三

平苗考

十二

元和六年辛卯黔州大水壞城郭觀察使竇羣發溪洞
蠻以治之督役太急於是辰叙二州蠻反羣討之不
能定貶羣開州刺史閏月黔州奏辰叙賊帥張伯靖

寇播州費州

唐書帝紀

通鑑

八年癸巳四月己亥遣黔中經略使崔能五月癸亥遣
荆南節度使嚴綬七月己巳遣劍南東川節度使潘
孟陽八月辛巳遣湖南觀察使柳公綽先後來討張
伯靖丁未伯靖上表請□□南乃降崔能內恨之
更請調荆南湖南桂管軍爲援約西原十洞兵皆出
可以成功公卿議者皆以爲便宰相李吉甫以伯□

挾怨而叛壓以大兵而招之可不戰自定乃命能兵
毋出獨詔嚴綬招之於是伯靖率家屬詣江陵降授
石威立羽府中郎將

帝紀

南蠻傳

按通鑑云八年秋七月丁未辰叙賊帥張伯靖請
降辛亥以伯靖爲歸州司馬委荆南軍前驅使與
唐書不同

中和三年癸卯苗首雷滿等寇陷朗衡澧諸州分據其
地自署刺史

宋史蠻獠傳

省志

舊志

五代

後梁開平三年己巳辰州蠻酋宋鄴叙州蠻酋潘金盛

辰州府志

卷十三

平苗考

十三

恃其所居深險數擾楚邊至是鄴寇湘鄉金盛寇武
岡楚王馬殷遣昭州刺史呂師周將衡山兵五千討
之

通鑑補

按通鑑考異云湖湘故事呂師周斬潘金晟於武
岡其年十月十一日辰州宋鄴叙州昌師益一時
歸投馬氏與通鑑微異又潘金盛此作潘金晟十
國春秋作潘金盛未知孰是

四年庚午吳敖駢圍赤石辰州刺史彭瑊調所部征之
被執不屈闔門遇害

楚紀

補

乾化二年壬申辰州蠻酋宋鄴叙州蠻酋昌師益皆率

衆降於楚楚王馬殷以鄴爲辰州刺史師益爲叙州

刺史

通鑑

五代史楚世家

補

後唐龍德元年辛巳辰叙蠻侵楚楚寧遠節度副使姚

彥章討平之

通鑑

補

後晉天福四年己亥八月溪州刺史彭士哲

一作愁然

率

錦獎州蠻萬餘人寇辰澧州焚掠鎮戍九月楚王馬

希範命左靜江指揮使劉勅決勝指揮使廖匡齊帥

衡山兵五千討之勅等進攻溪州士哲敗走保山寨

石崖四絕勅爲梯棧上圍之廖匡齊戰死

五代史通鑑

按五代史所遣者劉勅劉全明與通鑑之廖匡齊

辰州府志

卷十三

平苗考

十四

異若舊志以勅爲勅則訛矣

五年庚子春正月楚劉勅等因大風以火箭焚彭士哲

寨士哲逃入獎錦深山尋遣子師曷帥諸酋納溪錦

獎三州印請降於楚二月勅引兵還長沙楚王馬希

範徙溪州於便地表士哲爲溪州刺史以勅爲錦州

刺史自是羣蠻服於楚希範自謂伏波之後以銅五

千觔鑄柱高丈一尺人地六尺銘誓狀於上立之溪

州

通鑑

後漢天福十二年丁未楚文昭王希範卒弟希廣立兄

希萼節度朗州來奔喪希廣以兵迎之遂相構難希

萼誘溪洞諸蠻寇益陽希廣遣崔洪璉以步卒七千屯湘鄉王潭以遏諸蠻劉彥瑫以舟趨武陵攻希萼敗於湄州希萼下攻湘鄉克長沙擒希廣縊殺之而自立時乾祐三年也

五代史補

顯德中周行逢據有湖南蠻獠數出寇邊逼辰永二州殺掠民畜無寧歲

宋史蠻獠傳

宋

乾德元年癸亥三月慕容延釗克朗州湖南平太祖思得通蠻情習險阨勇智者以鎮撫之乃召辰州獠人秦再雄至闕下察其可用擢爲辰州刺史於是知溪

辰州府志

卷十三

平苗考

十五

州彭允林前溪州刺史田洪贊等列狀歸順詔以允林爲溪州刺史洪贊爲萬州刺史錦叙等州悉來附

宋史帝紀 蠻獠傳

按宋史蠻獠傳載秦再雄召至闕下雖無年歲可稽然上文云太祖旣下荆湖思得通蠻情者考本紀乾德元年三月湖南始平四月辰錦叙等州歸附則召再雄應在是時也又彭允林等歸附傳載建隆四年而本紀止有三年明年卽乾德元年是允林等之歸附與辰錦叙同年又明矣

年甲子四月溪叙獎等州民相攻劫遣殿直牛允齋

詔諭之乃定 蠻獠傳

德二年乙巳辰州諸蠻攻下溪州爲其刺史彭儒猛
□走之擒酋首以獻詔賜儒猛錦袍銀帶儒猛自陳
母老願被恩典詔特加邑封 蠻獠傳

按舊志訛爲三年

大中祥符六年癸丑辰州溪洞都指揮使魏進武率山
獠數百人數寇城砦朝廷不欲發兵窮討乃降詔招
諭之 蠻獠傳

按舊志作彭進武

七年甲寅魏進武詣吏請罪署爲三班借職監房州稅

辰州府志

卷十三

平苗考

十六

□賜裝錢 蠻獠傳

□禧元年丁巳溪州蠻寇擾詔遣兵討之 蠻獠傳

□□戊午閏月辰州都巡檢使李守元率兵入白霧團

□蠻寇十五人斬首百級降其酋二百餘人知辰州

□絳等入下溪州破砦柵斬蠻六十餘人降老幼千

□刺史彭儒猛亡入山林執其子仕漢等赴闕詔高

□蠻捕儒猛來獻者厚加賞典五月儒猛因順州蠻

田彥晏上狀本路自訴求歸轉運使以聞上哀憐之

□許釋罪八月儒猛乃奏上所略民口器甲詔辰州

通判劉中象召至明灘與歃血要盟遣之以仕漢爲

殿直儒霸儒聰爲借職賜冠帶緡帛

南蠻傳

按舊志訛爲元年

天聖初下溪州蠻彭仕漢自西京逃歸誘羣蠻爲亂寇辰州殺巡檢王文慶其父彭儒猛以聞右侍禁史方勒兵入溪洞討捕降其黨李順同等八百餘人誅其尤惡者杜忽等十九人而儒猛已遣別子仕端殺仕漢朝廷嘉其忠降詔獎諭時儒猛爲檢校尚書右僕射特遷左僕射又以仕端爲檢校國子祭酒知溶州加賜鹽綵而史方亦遷西頭供奉官知辰州

史方傳

蠻獠傳

辰州府志

卷十三

平苗考

十七

按史方傳作天禧中考天禧二年仕漢爲殿直留西京後遁歸以狀白辰州詔徙其家京師舍以官第未幾復逃歸爲亂中間往返應得四五年宜從蠻獠傳作尺聖初爲是

寶元二年己卯辰州獠三千餘人款附以州將張昭懿招輯有功進一官

蠻獠傳

至和二年乙未彭師寶舉族趨辰州告其父仕羲之惡且言仕羲嘗殺誓下十三州將奪其符印并有其地貢奉賜予悉專之自號如意大王補置官屬將起爲亂十月仕羲內寇詔湖北路發兵捕之於是知辰州

宋守信與通判賈師熊轉運使李肅之合議率兵數千深入討伐以師寶爲鄉導兵至而仕義遁入他峒不可得俘其孥及銅柱而官軍戰死者十六七守信等皆坐貶

帝紀

蠻獠傳

按舊志將彭仕義連屬寶元合爲一事省志因之殊未確也

嘉祐元年丙申蠻獠彭仕義等數入寇掠邊吏不能制朝廷姑欲無事八月詔湖北招安許以改過自歸裁損五七州貢奉歲賜仕義抗不聽

帝紀

蠻獠傳

二年丁酉四月以彭仕義未降遣三司副使李參文鈐

辰州府志

卷十三

平苗考

十八

轄竇舜卿侍御史朱處約轉運使王綽大出兵臨之且馳檄招諭而仕義乃陳本無反狀僭號補官屬特遠人不知中國禮義往宋守信等輕信師寶之譖擅伐無辜願以二十州舊地復貢奉內屬朝廷又遣殿中丞雷簡夫往視之

帝紀

蠻獠傳

三年戊戌八月仕義歸所掠兵丁五十一人械甲千八百九事率蠻衆七百飲血就降辰州亦還其孥及銅柱自是仕義歲奉職貢然黠驚數盜邊卽辰州界自馬崖下喏溪聚衆據守朝廷數招諭令歸侵地不聽

帝紀

蠻獠傳

徐的以轉運使至辰開示恩信仕義悔過自歸彭思永以轉運使按部適至仕義懼遣使迎謝遂寢其謀張綸知辰州彭氏蠻內寇綸至築蓬山驛路賊不得通乃遁去

宋史列傳補

按此皆帝紀蠻獠傳所無者文無歲月姑附於此竇舜卿以鈐轄兼知辰州請築州城不擾而辦帥師取富州蠻將萬年州據石首崖舜卿選壯卒奮擊蠻矢石交下卒蒙盾直前發強弩射萬年州斃於崖下遂拔之引兵入北江仕義降

列傳

按此與蠻傳所載事功各異又蠻傳以舜卿官爲

辰州府志

卷十三

平苗考

十九

副使舜卿曾官監使來知辰州時則鈐轄也諸列傳仕義作士義蠻傳仕義降在嘉祐二年帝紀則三年也此皆字之偶訛者

熙寧三年庚戌彭仕義爲其子師綵所弑師綵專爲暴虐其兄師晏攻殺之并誅其黨納誓表於朝

蠻獠傳補

五年壬子初湖北提點刑獄趙鼎言峽州舒光秀刻剝無度蠻衆願內屬辰州布衣張翹亦上言南北江利害詔下知辰州劉策商度策請如翹言乃遣章惇爲湖北路察訪使策旋卒又以東作坊使石鑑爲湖北

鈐轄兼知辰州且助惇經制

章惇傳

蠻獠傳

按二傳所稱趙鼎不詳爲何許人舊志名宦傳竟實指爲解州聞喜之趙鼎字元鎮者考鼎本傳崇寧五年始登進士第豈有未登進士之前三十五年已爲提點刑獄者乎又考蠻傳慶歷五年桂陽蠻叛趙鼎以右侍禁與賊戰於華陰峒隘口則又在熙寧前二十七年其爲兩人明甚

六年癸丑富州向永晤獻先朝所賜劔及印來歸繼而舒光銀光秀等亦降獨田元猛者頗桀驁難制異時數侵奪舒向二族地章惇遣左侍禁李資及張竑將兵往招之資辰州流人曩與張翹同獻策者也資竑

辰州府志

卷十三

平苗考

二十

淫於蠻婦遂爲懿洽州蠻所殺由是兩江扇動神宗疑其擾命王安石戒惇勿輕動

章惇傳

蠻獠傳

七年甲寅章惇違命竟以三路平懿洽鼎州以蠻方據潭之梅山遂乘勢而南轉運副使蔡■言是役不可亟成神宗以爲然專委於■王安石主惇爭之不已既而■得蠻地多而功竟歸於惇

帝紀

獠傳

章惇傳

八年乙卯提點刑獄李平招納彭師晏誓下州峒蠻張景謂彭德儒向永勝覃文猛覃彥霸各以其地歸版籍師晏遂降十二月詔修築下溪州城并置砦於茶灘南岸賜新城名會溪新砦名黔安戍以兵隸辰州

出租賦如漢民

地里志

蠻獠傳

按蠻傳作五年者誤當依地里志作八年又帝紀彭師晏九年始降則以師晏詣闕時言也然益可證平定在八年

九年丙辰彭師晏詣闕詔授禮賓副使京東州都監官其下六十四人

帝紀

蠻獠傳

按蠻獠傳叙次師晏事頗因文勢爲後先多與他紀傳參差不一今依編年例次第之考核叅訂匯全史而定之非臆斷也倘徒執一說以爲疑則甚負茲苦心矣後凡有所訂定悉仿此

辰州府志

卷十三

平苗考

二十一

附孫構以湖北轉運使諭降懿洽二州納歸附州十四

列傳

補喬執中以提舉湖南常平討五溪取大田離子二峒

列傳

補按此皆與章惇同時而來而蠻傳竟無一語相及附記其略於此餘詳名宦傳中

又按舊志名宦有章惇傳惇雖奸惡果有功斯土自不忍弗紀但考宋史章惇傳蠻獠傳及他傳惇之開五溪也上則違神宗之命中則掩取蔡燁等之功下則傷殘民命范祖禹嘗奏熙寧羣小蔡□

連起大獄王韶創取熙河章惇開五溪兵民死傷皆不下二十萬先帝臨朝悼悔是則惇即開五溪一事已爲罪人矣舊志稱惇夜築城一面臨江比曉工畢置飛山一帶巡檢皆史傳所無者而所築城又無地名可稽若會溪城則李平所築非惇也舊志吳瑞登於惇傳後復加辨以爲功罪不掩由今考之功耶罪耶後之人觀其書幸勿爲其所惑

元豐元年戊午三月辰沅獠賊寇邊州兵擊走之十一月辰州獠賊叛詔沅州兵討之帝紀

二年己未正月詔知沅州謝麟督捕獠賊麟且捕且招

辰州府志 平苗考 卷十三 二十二

一方以寧帝紀 列傳補

元祐三年戊辰羅家蠻寇抄詔召都誓主彭仕誠及都頭覃文懿等至辰州約敕之蠻獠傳

崇寧元年壬午十二月辰沅州獠入寇帝紀

二年癸未辰溪獠叛殺叙浦原訛作淑令蔡京重爲賞募

殺一首領者賜之絹三百官以班行且不令質究本末原訛作水木荆南守馬城言有生獠有省地獠今未知

叛者爲何種族若計級行賞懼不能無枉濫蔣之奇恐忤京意白城不能體國京乃罷城命舒亶代之以勦絕羣獠爲期亶平辰沅州獠賊復□□州改□州

爲靖州徽州爲蒔竹縣

帝紀

列傳

政和中五溪蠻擾邊

列傳

紹興元年辛亥八月知鄂州曹成掠湖西犯沅州與知

復州李宏合屯瀏陽旣而攻宏宏奔潭州

帝紀

二年壬子巨寇曹成攻沅城知州事江長源多方禦之

成遂遁去

大清

統志

補

五年乙卯湖賊楊么黃誠擁衆數萬殘破城邑跳梁湖北高宗遣張浚以都督董師岳飛以招討舉兵擊之賊率輕銳徑趨武溪南興以臨鼎州州守程昌寓通判張運勒兵登城控扼上下以張其勢賊宵潰

張運補

辰州府志

卷十三

平苗考

二十三

乾道六年庚寅盧陽西據獠楊添朝寇邊知沅州孫叔傑調兵數千討之敗績死者十七八初獠人與省戶交爭殺一人死叔傑輒出兵破其十三柵奪還所侵地於是獠人相結爲亂諸司請調常德府城兵三百人益官兵三千人合擊討之宰臣虞允文言蠻獠爲變皆守臣貪功所致今獠人仇視守臣若更去叔傑量遣官軍示以兵威徐與盟誓自可平定帝允其奏俾葉行代叔傑開示恩信諭以禍福邊境悉平帝紀

蠻獠傳

淳熙十一年甲辰沅州生界玃矜副峒官吳自由子三

人貨丹砂麻陽縣巡檢唐人傑誣爲盜執之送獄□
由率峒官楊友祿等謀爲亂帥司調神勁軍三百人
及沅州民兵屯境上聲言進討先遣歸明官田思忠
往招撫之以孔目官爲質世祿等既盟自由取其三
子以歸 蠻獠傳補

按宋史蠻獠傳誤列爲乾道十一年省志舊志莫
辨其訛沅州新志以帝紀編年核之乾道止九年
無十年是矣然亦莫定其何時之十一年蓋二事
又帝紀所不及詳者但細觀傳中十年四月有全
州上言追論桂陽陳峒爲亂之由考帝紀陳峒之
亂在淳熙六年而下文卽爲嘉泰時事則此爲淳
熙之十一年無疑矣特作者當時偶遺淳熙二字
耳又傳中楊友祿下又有世祿必字之訛也

紹熙三年壬子辰蠻侵邵州 省志補

嘉熙三年己亥春諜知元兵欲大舉臨江京西湖北路
安撫制置使孟珙策其必道施黔以透湖湘條上流
備禦宜爲藩籬又遣楊鼎張謙往辰沅靖三州同守
倅曉諭熟蠻講求思播施黔支徑以圖來上 列傳補

寶祐六年戊午元大帥兀良合台侵宋內地遣其子阿
朮與四王潛衝宋軍宋軍大敗元乘勝躡貴州蹂象

州入靜江府連破辰沅二州直抵潭州

元史列傳

景炎二年丁丑元

四年祖十

沅州安撫司同知郭昂招降

溪峒八十餘棚播州張華聚衆容山昂率兵討之

列

傳

祥興二年己卯八月元

六年祖十

敕沅州路蒙古軍總管

乞答合兵取桐木籠犴矜伯洞諸蠻未附者九月樞

密臣言有唐兀帶者冒禁引軍千餘人於辰溪沅州

等處劫掠新附人千餘口及牛馬金銀幣帛等而麻

陽縣達魯花赤武伯不花爲之鄉導敕斬唐兀帶武

伯不花餘滅死論以所掠者還其民是年安撫司同

辰州府志

卷十三

平苗考

二十五

知郭昂循沅州界復新化安仁二縣擒劇賊張虎

列

傳

元

至元二十一年甲申詔四川南道宣慰使李忽蘭吉叅

政曲里吉思僉省巴八左丞汪惟正分兵進取五溪

洞蠻時思播以南施黔鼎澧辰沅之界蠻獠叛服不

常往往劫掠邊民至是討之曲里吉思汪惟正一軍

出黔中巴八一軍出思播都元帥脫察一軍出澧州

李忽蘭吉一軍自夔門會合十一月諸將鑿山開道

綿亘千里諸蠻設伏險隘水弩竹矢伺間竊發悉

□

殺之復遣諭諸蠻酋長咸率衆來降獨散毛洞潭順

走避崑谷力屈始降 元史列傳補

按侯志至元二十一年泊崖洞田萬頃 填字頃字訛也頃當

史改從楠木洞孟再師侵辰境詔下調湖廣四川軍

馬徂征湖廣以荆湖北道都元帥脫里察 察即脫招

討使田興祖 興祖當等統兵從澧州道進四川以

叅知政事濶里吉思 即曲里李宣慰 即宣慰使從

酉陽等寨諸道並進克之田萬頃出降擒土溪柿

溪兩峒主以獻詔下諸洞立爲一府九州分隸湖

廣四川兩省洞官可授宣慰勅泊崖洞升爲施溶

辰州府志 卷十三 平苗考 二十六

州命萬頃知州事與史參差互觀之可也

二十八年又巴向十萬攻獫狁桑木溪魯萬丑爲之嚮

導萬戶府調百戶千家奴辰州路差沅陵主簿耶律

信居追襲至桑木溪獲魯萬丑繫囚兩月逃歸 侯志

二十九年壬辰辰州蠻叛副樞劉國傑僉院唆木蘭往

討之不利徵辰澧弩士三千湖廣平章哈喇哈孫以

民弗習戰強之徒傷吾民弗許右丞禿忽魯言漢軍

不習弩因蠻制蠻古所利也遂與之果大勝 列傳補

是年九溪十八洞苗叛詔四川行省擊平之時萬戶

府軍出征瓜哇魯萬丑與其兄三代舟乘虛入寇行

樞密院遣萬戶田興祖捕之十一月又巴安撫向進益以魯萬丑至辰州路官受賄放還

侯志

三十一年甲午初黔中諸蠻酋既內附復叛又巴洞何世雄犯澧州泊崖洞田萬頃楠木洞孟再師犯辰州朝廷常討降之升泊崖爲施溶州以萬頃知州事是歲萬頃復叛攻之不下成宗卽位赦之亦不降於是命行樞密院副使劉國傑討之九月國傑馳至辰州進攻明溪賊魯萬丑擁衆自上而下千戶崔忠百戶馬孫兒戰死十月進兵桑木溪萬丑復以千人拒戰擊却之明日萬丑倍衆來攻國傑鼓之百戶李旺率

辰州府志

卷十三

平苗考

二十七

死士陷陣衆軍齊奮賊敗破其巢焚之進攻施溶州十一月詔選州民刀弩手助其軍國傑從部將田榮祖議揮軍攻石農坎賊棄寨遁遂進拔施溶州擒萬頃斬之復窮捕其黨賊悉平

本紀

列傳

補

是年

此係三十一年侯志落一字

諸軍出征交趾施溶知州田萬

頃魯萬丑孟再師叛諸洞蜂起行樞密以副萬戶田興祖征之朝命平章行樞密院劉二霸都率僉院唆木蘭暨諸翼萬戶詣辰州命興祖畫山川形勝圖指示道路征勦擒萬頃再師萬丑斬之滅其族

侯志

延祐二年乙卯辰沅蠻吳於道爲寇調兵捕之

本紀

補

至治二年壬戌辰州沅陵洞蠻爲寇遣兵捕之本紀補

至正六年丙戌湖廣猺寇亂靖州猺賊吳天保尤熾寇

陷黔陽武岡叙浦諸郡縣湖廣右丞沙班率師討之

尋敗沒天保遂有衆六萬餘續通鑑補

七年丁亥十月猺賊吳天保復寇沅州陷叙浦辰溪原訛

漢縣所在焚掠無遺元史本紀補

九年己丑十二月猺賊吳天保陷辰州本紀補

十二年壬辰九月賊攻辰州達魯花赤和尚擊走之本紀

十六年丙申五月賊寇辰州守將和尚以鄉兵敗之本紀

十九年己亥二月叛將梁炳攻辰州守將和尚擊敗之

辰州府志 卷十三 平苗考 二十八

以尚爲湖廣行省叅知政事本紀補

二十年庚子漢 陳友諒據湖湘間噉諸苗以利資其

兵爲用諸苗亦爲盡力有乞兵旁寨爲之驅使者明

史土司傳 綱鑑補

二十四年甲辰二月吳王明太祖建國號曰吳自將伐漢克武昌

湖南諸郡望風歸附十二月左相國徐達克辰州驃

騎衛指揮同知唐勝宗徇沅陵凡元時所置宣慰安

撫長官司之屬皆先後迎降悉授以原官明史帝紀

列傳 土司傳補

明

洪武三年庚戌辰州衛指揮劉宣武率兵招降湖耳潭

溪新化萬平江歐陽諸洞

明史土司傳

補

五年壬子春正月辰澧諸蠻作亂帝命鄧愈爲南征將

軍以江夏侯周德興江陰侯吳良爲副討之愈帥楊

璟黃彬出澧州討散毛諸洞德興出南寧討婪鳳安

田諸州良帥平章李伯昇出靖州討會同五開潭溪

古州安陸衛指揮使吳復攻九溪辰州諸蠻二時悉

平

通鑑綱目

明史列傳

補

十一年戊午六月五開蠻叛殺靖州指揮過興以辰州

指揮楊仲名爲總兵官討之十一月五開蠻平

帝紀

辰州府志

卷十三

平苗考

二十九

十四年辛酉五溪蠻亂江夏侯周德興已老力請行帝

壯而遣之復賜書褒美德興帥指揮僉事張銓等至

五溪蠻悉散走會四川水盡源通塿平諸洞作亂仍

命德興進討平之是年征南將軍傅友德征雲南大

軍山辰沅趨貴州蘄春侯康鐸從

帝紀

列傳

通

按明史康鐸常帥兵征辰州平施疊諸州

是年鎮筵治古答意苗首亂命總兵官楊仲名率師

征勦尋就招撫

侯志

永樂五年丁亥鎮筵苗復叛命總兵官張駟統軍征勦

餘黨亦各就招

侯志

十二年甲午篁子坪賊吳者泥自稱苗王與蠻民苗金龍等爲亂總兵官梁福平之土司傳

十六年戊戌吳者泥子擔竹復誘苗吳亞麻糾貴州答意諸蠻叛都督蕭授斬平之土司傳

宣德初鎮遠邛水奧洞蠻苗銀總苗章奴父子劫殺捕兵總兵官蕭授調辰沅諸衛兵萬四千人勦之會於清浪衛指揮張名克奧洞盡殺其黨銀總遁土司傳

五年庚戌治古答意二長官石各野等聚衆出沒銅仁平頭瓮橋諸處誘脅蠻賊石鷄娘并篁子坪長官吳畢郎等共爲亂蕭授築二十四堡環守之而兵力既

辰州府志

卷十三

平苗考

三十

分其黨吳不爾等遂掠殺清浪衛鎮撫葉受益加猖獗授復遣張名擊破之土司傳 列傳

六年辛亥鎮篁苗龍三白大虫黃老虎石計聘等結貴州銅仁平頭苗復叛詔都督蕭授都御史吳榮等戴罪征討乃冒暑夜馳抵池河掩殺賊黨竄伏久諸苗絕糧乃出降侯志

七年壬子蕭授討辰州蠻擒其酋八十斬馘無算是時殘苗吳不爾等遁入篁子坪結生苗龍不登等攻劫湖廣五寨及白崖諸寨爲患滋甚詔聽授便宜勦撫

不從中制

列傳

土司傳

補

□□□□發黔蜀楚諸軍分道進軍于坪破新郎
□□前後生擒賊首吳不跳等二百一十二人斬吳
不爾王老虎龍安軸等五百九十餘級餘黨悉平獲
賊所掠軍民男婦九十八口給所親領之擒賊婦女
幼弱千六百餘口給與從軍將士械獻吳不跳於京
師列傳 土司傳補

正統十四年己巳六月靖州苗犯辰谿都指揮高亮戰
死十一月以毛福壽爲副總兵討辰州叛苗十二月
詔王驥佩平蠻將軍印充總兵官討貴州叛苗苗圍
平越半歲驥頓兵辰沅不進帝紀 名山藏列傳 何喬遠

辰州府志

卷十三

平苗考

三十一

景泰元年庚午初貴州苗韋同烈叛西至龍里東至沅
州北至武岡南至播州羣蠻不下二十萬平越被圍
已一年巡按御史黃鎬乞援於朝命保定伯梁瑋都
督方瑛會湖廣總督侯璉率師進討瑋未至璉檄諸
將合兵勦之破八十餘寨圍乃解通鑑 土司傳補
二年辛未梁瑋自沅州發兵由東路方瑛由西路合兵
興隆進破二百餘寨蠻衆縛韋同烈以降通鑑 上
六年乙亥湖廣苗叛十一月拜方瑛平蠻將軍率京軍
討之帝紀 列傳補
七年丙子賊渠蒙能攻平溪衛都指揮鄭泰等擊却之

能中火鎗死方瑛遂進沅州連破鬼板等一百六十

餘砦

列傳補

按舊志景泰七年苗復叛命兵部尚書石璞討平之恐卽是天順元年事

天順元年丁丑方瑛與尚書石璞移兵天柱率陳友等分擊天堂小坪墨溪二百餘寨擒僞侯伯以下百餘

人

列傳

土司傳

成化十六年庚子鎮筓苗叛燬麻陽縣治至沅州界

沅

州志

補

按省志成化二年城步苗寇溆浦城市盡頽史無

辰州府志

卷十三

平苗考

三十二

之溆浦縣寶慶府二志亦無之不知所本

宏治中錯溪苗龍麻羊與銅仁苗龍童保聚衆攻剽土官李椿等實縱之而筓子坪百夫長龍眞與通謀後遂四出劫掠遠近騷然先後守臣莫能制

列傳補

正德三年戊辰湖廣鎮溪所洞苗聚衆攻劫酉陽宣撫司及邑梅辰官司奏請兵勦捕

土司傳補

六年辛未湖廣巡撫劉丙進討筓子銅仁苗賊賊入連山深箐爲拒守計丙率師破其數寨賊走據天生崖及六龍山貴州巡撫沈林兵繼至連攻破之前後擒龍童保等二百人斬首八百九十餘級都指揮□□

又破鎮筮諸寨擒龍麻羊等百六十人斬首級如前
餘賊悉遁

列傳

是年苗酋龍麻羊龍江西龍成酒龍殺強龍童保嘯
聚川湖貴界詔遣貴州巡撫魏英兼制楚蜀發兵撫
勦木幾致仕去尋勅都御史楊茂元代之咨行湖廣
巡撫劉丙親詣辰州先是知府戴敏指揮高勲王爵
撫出鎮筮苗龍麻羊等六百三十二人以重罪八十
二名監候餘省發復趨沅州會同楊茂元調集三省
漢土兵委叅議張繼兵備徐潭僉事田墀隨營監督
用苗民龍真等爲鄉導進至高巖坪爆木坪立營攻

辰州府志

卷十三

平苗考

三十三

破亞酋回保孟洞束那米那張兵馬等寨斬首七百
五十八級擒獲三百四十二名

侯志

按此段事與劉丙相同當屬六年舊志作七年恐
誤

八年癸酉兵攻留絞洞斬獲千餘撫苗三百餘委兵備
徐潭指揮高勲知府戴敏指揮王爵等搜捕餘苗

侯志

嘉靖十五年丙申貴州銅仁司旦逞寨吳朗拱縱縛佃
戶其家生員告呈銅仁府知府魏文執朗拱杖斃之
其子吳柳苟遂糾黨攻劫思石道兵備田汝成及守
備苟瑞令平茶司土官楊再顯招撫魏文許勝叛地

酬功付以銅仁司契券再顯招安苗賊貴州巡撫不
允取契焚之賞以銀千兩再顯失所圖遂扇苗爲亂
守備荀瑞因之失職

侯志

十六年丁酉以都指揮邵鑑代之鑑詭言湖廣苗人聽
銅平叛苗糾曳所劫物藏於箐子坪龍老恰龍黨叟
寨內鎮箐守備陳表令土官田興爵誘出二苗擒解
辰沅兵備道監候老恰斃於獄黨叟尋釋放

侯志

十八年老恰男母叟見父死深恨田興爵遂聚衆劫該
司得禾冲等二十一村其後大小略變與亞西諸寨
苗龍求兒等糾銅平苗劫奪油蓬平頭五寨等處守

辰州府志

卷十三

平苗考

三十四

備陳表被劾回衛以清浪衛指揮朱衣守備鎮箐歲
荒軍缺食朱衣借銀糶米百餘石調集鎮溪所上六
里土兵六百委土指揮田應朝督率

舊志

十九年庚子正月進入爆木坪遣苗頭廖羊保詔諭是
時苗尚知懼寨出牛馬求退師三月五寨司苗侯答
保誘箐子坪團溪板栗惡黨及銅仁旦逞諸苗出劫
麻陽譚家村又鎮溪亞西苗龍柳比叛掠平頭管理
龍騰霄掩捕被傷苗遂屯蠟爾山辰沅兵備李瑜調
永保土兵委平溪衛都指揮高岡鳳同朱衣率保靖
兵六百進抵箐子坪惡黨寨委沅州衛指揮周寶領

永順兵四百進抵五寨司步欵寨前撫定太小略變排那孟叟亞保回崖口等十一寨苗頭龍遠吳得狗等咸請隨征生擒首惡龍答已等七十七名俘賊屬五十二名并擒侯答保解道瑜又遣辰州衛守備尤欽傳啓忠同高岡鳳督永保鎮溪兵一千進臘爾山斬獲苗首二十八顆生擒一人功幾成適撫按火牌令退隨將叛苗餘黨招撫安置

侯志

二十一年壬寅箐子坪烏牌寨苗龍母叟糾合龍求兒及銅平苗攻麻陽縣朱知縣中途遇執以計脫湖貴撫按奏聞次年詔遣都御史萬鏜勦撫聽其處置

侯志

辰州府志

卷十三

平苗考

三十五

二十二年癸卯召萬鏜爲副都御史勦撫叛苗初湖貴間有山曰臘爾諸苗居之東屬鎮溪千戶所箐子坪長官司隸湖廣西屬銅仁平頭二長官司隸貴州北接四川酉陽廣袤數百里諸苗數反官兵不能制是年三月貴州作亂流劫麻陽諸處乃以鏜往勦撫

列

傳 何喬遠名山藏

是年六月萬鏜遣指揮李勇叅將高岡鳳指揮潘瓊守備李英荀瑞督令苗官田應朝及永保兩司撫出龍求兒龍母叟龍柳補吳老瓦等及貴州守備邱潤撫出麻得盤吳旦逞等共五十餘人萬鏜臨辰州再

加招諭不從乃調永保西平兵及官軍一萬二□□辰州守備尤欽指揮吳山何清沅州指揮葉森□□順宣慰彭宗舜及鎮溪土官曰應朝領兵入高□立營守備□冠辰州指揮賀鳳陳官督保靖宣慰彭□臣并算子坪土官田興爵等領兵入爆木坪立營守備周寶荀瑞辰州指揮張一夔督防守五寨麻陽土兵於丫刺關立營鎮算守備李英往來提督俱聽叅將高岡鳳指揮潘璵調度苗蓄食恃險勢益張大我兵次第搜山斬首七百八十顆生擒八十名俘賊男女二百三十名奪回原委百戶姚伏黃金并被虜男

辰州府志

卷十三

平苗考

三十六

婦七十七名因暑雨難運瘴毒易生遂班師量留永保土兵與鎮算五寨兵相兼防守

侯志

二十三年甲辰萬鏜納土指揮田應朝策誘致其酋督兵破之鏜奏龍母叟雖降其罪大宜置重典命安置

遼東

列傳

土司傳

先是算子坪土官田興爵繫辰州獄苗以其地主□脫歸興爵淫虐以逞苗怒燬其署以叛鎮溪苗亦叛會貴州銅平官責苗不輸稅因移督過急土官挈印走諸苗復騷然并起

侯志

二十五年丙午湖貴苗復叛萬鏜征之不克乃授其魁

許龍保冠帶湖苗暫息而貴苗反如故

列傳藏

名山

萬□復臨辰州集兵討苗有言鎮溪土指揮田應朝可任使鏜因署爲巡捕而應朝實狡黠陰搆永順保靖相讐殺而兩利其賄至是益肆爲奸戰則庇賊疆梁冒功賞撫則反覆要重貲苗實未嘗見利故功久未成鏜召苗酋必得質乃出以千戶往苗酋龍子賢此下必另有一人落去觀來見鏜執以聞誅之苗亦殺質千戶繼遣監司詣賊營諭撫犒以牛酒予其魁龍許保冠帶湖苗苦兵聽撫而貴苗未大創陽許之遂罷兵召鏜爲刑部尚書未幾而龍許保吳黑苗復

辰州府志

卷十三

平苗考

三十七

叛焚掠州縣無寧日

侯志

按史此段事屬二十五年侯志作二十四年恐誤一十六年丁未湖貴苗連歲作亂四川巡撫劾貴州巡撫王學益養寇玩兵致苗夷猖獗流毒異省詔捕治

學益

名山藏

二十七年戊申召萬鏜還未幾銅平酋龍子賢復叛御史繆文龍言鏜勦撫皆失鏜歸罪於叅將李經事解得爲兵部侍郎而龍許保及其黨吳黑苗皆亂貴州巡撫李義壯告警乃命張岳總督湖廣貴州雲南四

川軍務討之

列傳

張岳至議者猶謂撫便會苗復寇旁縣於是力主用兵令叅政王崇輯撫湖苗及近貴猖獗諸寨

侯志

二十九年庚戌龍許保襲執印江縣知縣徐文伯及石阡推官鄧本忠以去銅仁叅將石邦憲坐逮問張岳奏留之令與貴州總兵官沈希儀分道進討

列傳
名山藏

九月進兵討破之俘斬二千餘執許保母女妻妾捷聞罷兵留叅將石邦憲等搜捕

侯志

三十年辛亥三月張岳大破貴州苗四月賊首龍許保吳黑苗等竄入湖廣鎮筵寨糾黨突入思州執知府李允簡大掠而去石邦憲奪允簡還允簡竟死事聞

辰州府志

卷十三

平苗考

三十八

奪岳右都御史仍爲兵部右侍郎兼右僉都御史以重其權住沈希儀俸皆令戴罪勦賊石邦憲等旋破賊六月岳搜山箐餘賊擒許保奏誅之獲思州印湖

廣兵破擒首惡李通海等

列傳

名山藏

許保黑苗復糾附貴叛苗寇思州府以瞿塘衛卒踐更戍之聞寇平城守稍懈賊因詐爲踐更卒入城殺居民掠帑藏執知府李允簡去邦憲等亟分兵邀其歸路諸苗懼縱允簡歸西陽宣撫冉諸陰主賊掠思州岳令秘之而檄與永保會兵討逆斬其渠數十人田應朝橫甚合西陽兵攻平茶撓官兵岳召之不出

偵其恃叔田勉悍鴛爲牙距執勉杖殺之應朝懼竄入苗寨自陳許以功贖又不出削其巡捕應朝勢益窮因永順宣慰投見岳令從征斬之時諸苗略定惟許保黑苗未獲邦憲賄撫苗麻得盤等偵許保至龍田寨醉縛之疏聞伏誅諸守臣爭欲罷兵岳以黑苗未除必生患乃縱還其親黨而密督諸土官索之侯志

三十一年壬子石邦憲以計購烏朗土官田興邦等斬

吳黑苗湖貴賊平

列傳

名山藏

八月劉甫等跡知黑苗襲斬其首以獻

侯志

三十九年庚申淑浦猺沈亞當等爲亂殺龍潭巡檢劉

辰州府志

卷十三

平苗考

三十九

綱生員唐元宗事聞總督石勇檄貴州總兵官石邦

憲討之生擒亞當斬獲賊二百有奇

列傳

淑浦縣

萬歷十四年丙戌以蔡國珍爲湖廣右叅政分守辰沅

洞蠻亂國珍檄諭之遂定

列傳

補

十五年丁亥苗刺殺箠子哨督備指揮高松喬官兵莫

敢誰何

舊志

□十九年辛丑偏沅軍門江鐸乘征播之餘征勦貴苗

皮林等寨辰郡亦不免騷然煩費

舊志

三十一年癸卯永順土司彭元錦助其弟保靖土司象

坤與酉陽冉御龍相讐殺辰州知府瞿汝稷馳諭元

錦卽解兵去三土司皆安 列傳

三十六年戊申鎮溪所斲子坪出劫沅州後山鄉及茅坪諸處 沅州志

天啓元年辛酉城步猺寇邵陽猺奉雲山淑浦猺卜前溪等乘間作亂命將軍林某討之 淑浦縣志

崇禎初苗酋飛天王張五保叛辰沅叅將鄧祖禹率兵討擒之斬首千五百級夷其巢 列傳

十年丁丑正月鎮筵苗出劫麻陽縣殺虜最酷 沅州志
田英產

按田英產平苗議云崇禎九年守戎鄒復極力撫

辰州府志 平苗考 卷十三 四十一

苗則苗之亂非僅是年是地可知矣

十五年壬午鎮筵苗出劫沅州便水轉掠五郎溪是年淑浦紅兵倡亂知縣林龍彩請兵平之 謀會基記

十六年癸未四方寇亂援兵駐辰州侵虐平民通判石萬有捐餉遣之二月闖賊餘黨竊據澧州偏沅將官周晉乘機燬常德城內外民房半月不息辰民聞風驚竄萬有與民誓同守逃徙者斬廣設方略緝奸擒僞賊知宵遁是冬全楚陷於賊十一月二十三日西賊張獻忠破常德城殺戮遍村市萬有攝兵篆與沅陵知縣唐夔鼓率紳士調土兵練鄉勇嚴守城池堵

截水陸辰州賴以安

米助國石常德府志

通判遺愛碑記

附

副將張先璧屯精兵三千於溆浦總督何騰蛟屬巡撫章曠召之留爲親軍唐王時授先璧總兵官爲湖南十三鎮之一已而何騰蛟走衡州先璧兵突至大掠挾騰蛟間道走辰州

明史列傳

長沙潰將王永臣兵數萬從新化走溆浦所過殺戮

無忌

寶慶府志

溆浦獠劉南山卜連山邵陽獠奉明還等劫兩丫鄉

大竹小溪二峒燒其廬舍

溆浦縣志

鎮筵苗自麻陽剽掠至沅州盈口新開懷化諸處大

辰州府志

卷十三

平苗考

四十一

肆虜劫

沅州府志

明末苗種日繁奸民竄入者久亦變爲苗往往出劫

村鄉辰沅盧麻諸邊地幾無寧歲而鎮筵乾州更遭

荼毒叅將魏禎遊擊向友良乾州守備唐良臣死焉

後徐祁馮莫進勦斬苗萬餘級猖獗始稍戢

乾州志續府志

按溆浦舊志崇禎甲申爲流賊殘破新志辨之云

崇禎壬午闖賊李自成陷辰州乙酉闖賊敗入襄

陽奔辰州是辰郡兩罹闖禍溆浦必被兵然非甲

申也今考明史流賊傳旣無陷辰州之事而米助

國石通判遺愛碑記作於崇禎十七年言辰州得

石萬有以安者五年則闖賊未嘗至辰州也

又按故土司子孫所存傳邊錄云癸巳冬逆苗吳老文倡亂屠戮鎮筸乾州守備唐良臣遊擊向友良叅將魏禎死之禎妻孫氏哭訴秦藩聞於永明王遣健將徐祁馮莫四都督統兵數千四路進勦十二月初四日進兵次年三月初十日始退雖與乾州志微異然以非無據之談姑附記以俟論次

國朝

順治四年丁亥王進才馬靖忠進掠辰州張先璧復據沅城荼毒彌甚八月

辰州府志

卷十三

平苗考

四十二

大兵破武岡及寶慶常德寧南將軍恭順王克辰州進才等遁永順保靖桑植諸土司盡投誠復克沅州偏巡撫傅上瑞降踰年誅死是時牛萬才據溆浦已三年圍山搜箐焚掠無虛日初萬才入溆肆行屠戮石盤寨甚險久攻不下寨人詈之萬才憤甚破之日男婦千餘得脫者僅三人萬才又掠兩丫鄉鄉民周華宇率壯士三十餘人夜襲之賊死傷甚衆乃遁越六日復來寇華宇單騎殺賊數十人馬蹶被擒遂遇害十二月猫猪寇劫瀘溪各村寨及城西門鄉兵開門迎戰追殺二十餘里斬賊百餘級

明史列傳各郡志編

五年戊子五月靖州降鎮陳友龍叛黔陽知縣周文□
被執死之是歲馬靖忠取常德諸郡牛萬才屠戮淑

浦明史列傳黔陽縣志淑浦縣志補

六年己丑王進才馬靖忠高必正李赤心等剽掠沅靖
二州張南寧攻辰州不果退入辰谿火其城邑先是
中西間兵寇竊發獠苗乘間劫郭侵邑丁亥王進才
等既掠辰州復破辰谿自是兵禍不絕十二月袁宗
第劉體復由銅仁入麻陽出楚沅州志米同人麻陽縣志補

按辰谿縣志兵事闕然今此卷刻已成始得米同
人文集稍有一二可徵復爲改刻補入以志其略

辰州府志 卷十三 平苗考 四十三

七年庚寅黔兵攻辰州知府王任杞與戰克之擢兵備
副使黔兵退據辰谿一統志米同人文集補

八年辛卯牛萬才兵據淑浦縣紙坊入掠新化石馬大
陽永寧諸鄉民不能耕者且百餘里十月固山線某
進兵破之乃遁而賀魁元聚衆據對馬江四出劫掠
邵陽陳某率宗族五十人襲殺魁元其黨始散是歲
辰谿縣兵寇下戍上攻民苦莫訴瀘溪縣土寇姚啓
唐自稱都爺聚衆爲亂攻劫村寨殺掠婦女剝皮薰
洞慘毒異常縣令周晉英奉檄招撫至扯旗寨諭降

賊抗命晉英父子俱遇害寶慶志同淑浦志瀘溪

九年壬辰正月總兵官張國柱搗牛萬才巢盡降其衆
二月逆賊張獻忠遺黨孫可望謀內犯使馬靖忠由
鎮遠出沅州會於武岡以圖桂林又使盧名臣等率
黔兵復來攻辰州叅議劉昇祚副使王任杞總兵徐
勇知縣楊來鳳堅力拒守城陷皆殉節而昇祚任杞
闔門盡死無一降者名臣既克城稱僞鎮益兗暴淫
虐人人惶怖無所逃命十一月可望僭改辰沅郡縣
隸貴州因據黔稱王僞鎮高鳳翔徐廷威等踞沅城
虔劉士女與名臣如一一統志馬上彥紀蕭寶慶志適生行沅州志

十年癸巳春桃源土賊引辰州兵水陸俱下駐桃源一

辰州府志

卷十三

平苗考

四十四

月復遁三月初五日孫可望提二十餘萬衆自沅州

欲東下四月貝勒軍敗之於周家鋪頓子嶺邵陽東安縣界

橫屍遍野可望單騎走武岡我師乘勝逐之寶慶府志

十一年甲午孫可望陷沅州先是丁亥貴州巡撫米壽

圖爲可望所攻出奔沅州至是死之明史忠義傳補

十二年乙未春三月盧名臣破桃源縣執桃源知縣李

瑤歸夏五月大舉水陸俱下馬步兵十餘萬象四十

餘隻列營燕子崑連雨溪漲留滯數十日盧名臣敗

死兵潰歸辰州桃源縣志馬上彥紀蕭適生行

十三年丙申秋我兵進攻辰州黔兵遁去我師歸常德

黔兵復來據於辰者三年 沅陵縣志

按淑浦舊志稱孫可望據辰十一載芷江志又以爲據辰沅七年細加考核九年壬辰據辰州者盧名臣爲可望所使非可望也至十二年名臣敗死於常德而黔兵退據如故至十五年始平定則言七年者得矣至名臣旣死黔兵莫知何人丙申我師攻克辰州縣志稱阿將軍亦莫知何名文獻無徵不敢臆斷也

十五年戊戌三月太保經略洪承疇克復湖南辰州諸

縣始安 精華錄註 袁廓宇遷學序

辰州府志 平苗考 卷十三 四十五

附

是年叅將吳長春征苗兵不滿三百軍機神速屢出苗不意擊破之期年遂盡降服長春未久卒苗復不

靖 採傳邊錄

按故土司子孫所存傳邊錄言苗事頗詳及細核之與舊志無異其錯誤亦相同至吳長春事則舊志所無然其家祖父遞傳必有所見而云原本作十四年今得德政碑考之實爲辰州歸化後也

薛士道不知何處人順治中入麻堂山誘邵陽淑浦諸獠掠靖州武岡官軍勦平之 淑浦縣志補遺

康熙八年已 鎮筸副將王雄以勦苗被議嗣是鎮守

諸將任苗出劫相率諱匿

續府志

乾州廳志

十二年癸丑十一月二十一日滇逆吳三桂叛於雲南

傳檄入楚下寇辰沅

惠棟精華錄註瀘溪縣志補

南昌縣志

十三年甲寅正月偽將夏國相據辰州徵索無厭民流

離死徙者不勝其數而三桂乘牂牁五谿之險銜枚

北驅長沙守臣聞風奔逸賊遂踞有湖南六郡二州

薦食荆岳旁煽諸蠻僭號稱周大逆無忌事聞

詔順誠郡王帥滿漢大兵控扼荆鄂以防其奔突繼

命和碩安親王督軍由袁州向長沙和碩簡親王督軍

由吉安向衡州逆勢稍困轉據衡陽

王漁洋文畧瀘溪縣志補

辰州府志

卷十三

平苗考

四十六

十四年乙卯三月偽帥勒取畜物箭竿四野柳枝盡剝

六月索徵明年糧稅民死杖下逃亡者衆

辰龍關記補

十五年丙辰正月偽副將黃正卿設塘汛遍辰州

平寇記補

十六年丁巳三月初二日滇逆吳三桂僭即偽位改元

昭武八月三桂病噎下痢死於衡州

南昌縣志慶府志補

寶

十七年戊午正月賊三桂之孫世璠襲偽位於貴州改

元洪化二月□□馬寶王會方光琛吳國貴等聞

大兵將迫爭渡江謀遁據辰州者益騷擾無忌

寶慶府

志 靖州志 平寇記 補

十八年春我師三路並進吳逆潰卒沿途焚劫偽將退

據辰州立柵清捷河安營鑿濠分兵扼辰龍關關最高險仰攻不能破賊恃險益肆淫虜委骨成邱晝霾如夜民愈無所逃命

林元炯辰龍關記

平寇記補

十九年庚申大將軍貝子章泰綏遠將軍總督蔡毓榮提督桑格總兵郭某帥師攻辰龍關久不破駐軍太平鋪撫綏難民三月初九夜鄉民向夢熊導總督軍由茅岡嘴經高巖伏兵於辰州坪鄉民蔡斗還導提督軍由得勝凹出細溪伏兵於郭家溪鄉民王玉美導總兵軍由歸龍菴經打鼓坪出滄溪伏兵於馬家坪向夢熊令其僕可隨於毛版衝嶺上舉火爲號賊

辰州府志

卷十三

平苗考

四十七

驚亂我軍分道下破辰龍關上攻清捷河賊大奔潰十四日遂克復辰州至明年賊黨悉誅

辰龍關記補

二十四年乙丑八月苗出劫鎮溪所魚梁坳守備徐進朝統兵追之深入補頂寨遇伏陷把總三員兵七十邊民數十人辰州左都督郭忠孝統軍進討總督巡撫卽以郭忠孝爲總統以分巡道王舜年爲監軍知府劉應中爲督運遣各大營兵將調永保二土司兵助戰降沿邊三岔等二十五寨生苗排那等一十三寨仲冬攻破地良坡及爆本營斬苗二千七百餘級進攻補頂寨生擒吳老覽等十五人擊殺百餘人首

賊吳二過吳老叟殲於陣十二月追至打虫等寨復
斬苗二百餘生擒二十一人時王舜年已入都卽以
劉應中署其職劉應中平苗記 黃如松平苗紀畧
按乾州志訛爲二十八年殊失考據續府志因之
省志瀘溪志又因之訛以傳訛若非有舊文可質
則誰辨其誣

二十五年丙寅正月初六日苗復聚革多等寨總統郭
忠孝乘雪夜潛從排那分軍而進次日黎明會師斬
逆苗三百餘級生擒石老虫等二十五苗餘賊奔入
天星寨憑險固拒我軍圍之急十二日賊突圍欲逃

辰州府志

卷十三

平苗考

四十八

奮擊之斬殺墮崖死者無算劉應中與郭忠孝憐其
久困招諭之二月二十二日遂率衆來降平苗紀畧

按淑浦志是歲流賊施司道誘淑猺沈亞當民吳
大富張百祥叛副將吳雲都司李學正捕獲之考
石邦憲傳嘉靖中擒沈亞當相去百年何以復存

三十二年癸酉勞神寨苗復叛都司王潤討之傳邊錄

三十七年戊寅逆苗千餘攻陷官兵七十餘人都司劉
士壕幾爲所害初副將劉魁龍縱下虐苗至是苗挾

怨而叛乾州廳志 傳邊錄

三十八年己卯苗復殺虜官兵數百把總郎得功陷焉

參將朱紱奉檄統楚兵及永保土司進勦得不償失

乾州廳志 省志

四十年辛巳三月鎮筓鎮令中營遊擊沈長祿等將兵七百餘名攻苗老家寨而馬鞍山毛都塘等十餘寨羣出衝陷守備許邦恒千總孫清及官兵一百二十餘人

乾州廳志 續府志

四十一年壬午麻陽生員李豐王章諳哨官雷朝鑒胡鼎等以苗害故赴愬於

朝

乾州廳志 續府志

四十二年癸未九月二十四日奉

辰州府志

卷十三

平苗考

四十九

上諭湖南紅苗自明朝以來負固不服今仍劫虜我民人牲畜生事多端其附近奸民亦搶奪人畜及事發之後誘罪於紅苗者有之紅苗人等不可令在三省接壤之地以爲民害着照招撫廣東八排徭人之例遣在京大臣前往帶荊州駐防滿洲兵一千并酌帶廣西貴州湖南三省兵乘此冬月直逼苗穴勒令歸誠設立州縣庶幾民生不致若此之擾害矣欽此二十六日禮部尚書席爾達副都統圖思海徐九如荊州副都統朱滿督師來討十月初六日復奉

上諭爾等和衷而行和則無不克不睦無克濟之事行

兵結營宜怯遇敵交戰宜勇若苗人投誠將擾害我民人作亂者正法如敢抗拒卽行進勦其未抗拒之紅苗毋得不分玉石概行殺戮我滿兵凡遇戰恃勇以力克敵者多爾等此番前去布置方略不可恃力其下營須擇高處朕統師至寧夏隨時權宜并無糜費錢糧勞傷兵民此在領兵者之權宜也紅苗投誠後看伊巢穴不可因投降忽略仍須謹慎防備欽此十一月十二日軍至鎮筸苗望風歸誠者三百一寨悉賞賚有差二十七日席爾達朱滿督軍次天星寨迤東爆木營立營令提督俞益謨帥兵攻取天星寨龍蛟洞排六梁等

寨令貴州提督李芳述攻取糯糖山上下葫蘆兜河等寨令廣西提督張旺攻取馬鞍山打郎寨老旺山等寨令鎮筸總兵官雷如攻取毛都塘老家寨兩投陽湄亮寨七兜樹等寨十二月初十日席爾達等自爆木營同總督喻成龍巡撫趙申喬督師應援十三日令長沙副將高一靖等分爲四路前進所過順苗諸寨秋毫無犯是日俞益謨攻天星寨苗恃險不動遙望小天星寨後山巖高險樹木叢密疑有伏兵十四日令大同叅將許士隆諸軍攀巖上攻逆苗六七百人迎戰敗之苗懼欲竄適高一靖軍從龍蛟洞夾

攻之自午至未殺苗四百九十三人生擒八人獲兵馬雜糧無算天星寨苗大懼乞降願納兵器十六日令把總蔡賓芳領健卒二十人懸梯入寨驗其虛實二十一日席爾達會諸軍親至寨口苗民咸叩首歸誠盡納其兵器是日高一靖軍由箐西口入天柱叅將吳郡軍由箐北口進大同叅將許士隆軍由箐南口進永定遊擊包成軍循箐旁越山以禦逃苗永傑軍搜箐南至大山下苗千餘人拒溝對敵我軍四集自午至未斬殺無數苗越巖而遁遇包成軍復斬苗八百餘人而李芳述軍於是月十五日由糯糖山攀

援至飛巖壘逆苗二千餘人據險以拒我兵攻奪占巖坎苗拒益力我軍暗分兩路前進斬苗七百餘人墮巖死者無算生擒三十七人十七日進至蜂筩巖逆苗千餘踞之我軍圍攻之復抄出賊後斬苗五百餘級生擒二十九人苗大潰是月十三日離馬鞍山二里許苗據其險張旺軍至令桂林副將王國用軍攻之適遊擊劉伏振越山而來夾攻之斬三百餘級苗潰奔遇柳慶營守備王朝佐復殺苗一百五十餘人十四日張旺軍抵打郎山兗苗從深箐突出令千總洪珍破之殺苗五十餘人十五日搜捕老旺山至

衝下苗夾攻我軍把總雷啓明奮勇先登斬苗二十四級千總郭寰從東而入兵火交擊逆苗死者八十餘人王國用軍合擊之殺苗一百餘級劉伏振領軍邀其歸路復斬九十餘人獲器械甚多而雷如軍亦以是月十三日率保靖土司彭澤虹土兵勦毛都塘大寨攻圍既急苗潰而奔追斬五百二十餘人生擒十七人十五日我軍分兩路架梁而下令土兵搜箐而入雷如復督兵山巔逆苗砍樹塞道我兵奮擊逆苗死者六百餘人擒男婦五十一人十六日移軍還攻兩投陽殺苗百十五人獲苗婦六人二十日偵知

辰州府志

卷十三

平苗考

五十二

逆苗匿於垢喇巖後箐洞隨密令遊擊史讚胡璉諸軍并保靖土兵分四路進逼斬苗首二百三十五人獲苗婦九人牛馬器械不可勝計十日之間巨逆既殲餘賊悉平遠近苗獠咸懾服願輸課比良民席爾達諸軍乃奏凱班師而還

省志

乾州廳志

四十六年丁亥土司田宏天橫虐苗民肆爲不法巡撫趙申喬奏請裁革不准襲替苗民稱便

鳳凰廳志

四十七年戊子鎮筸鎮總兵張谷貞始至卽擒攻叛苗十餘寨自後遇苗逆猖獗數率兵勦滅之苗始畏服

不敢妄動

鳳凰廳志

四十八年己丑八月老皤俗作潭賊苗吳老吉等陷鎮

算德勝營兵弁黃萬年二十三人索賄巡撫趙申喬

勒捕之段汝霖楚南苗志補

五十年辛卯九月總督鄂海巡撫潘宗洛提督額倫忒奉

命巡邊宣播

天威以招徠之毛都塘苗人吳老鐵及乾州各渠長皆輸誠願為編氓自十二月至五十一年五月毛都塘五十二寨計戶八百有八計口三千一十二相率至武昌城歸順自六月至八月盤塘窩生苗八十三寨

辰州府志 平苗考 卷十三 五十三

計戶六百八十三計口三千一百八十一亦先後輸

誠來歸鄂總督撫苗碑銘序 續志 苗志

雍正八年庚戌

詔諭化誨六里紅苗九月初六日辰沅靖道王柔率永順府同知李珣保靖營遊擊王進昌等帶兵開闢冬月巡撫趙宏恩至鎮算同總兵周一德統軍駐營吉多坪於是勞神砦地良坡上龍潭數十寨各輸誠歸順進破頑苗楊孟三寨誅之餘悉平楚南苗志 周

按張浚所作周總兵事畧作六年者誤

十年壬子辰州副將母椿齡守備吳傑統軍從提督哈

元生征貴州九股逆苗殺賊無算辰協兵陣亡者十
一人 文案補

十三年乙卯貴州九股生苗亂侵及楚邊二月大軍進
征辰州協副將母椿齡鎮筰鎮守備徐有容等統軍
從戰五月十八日辰州千總萬民瞻鎮筰把總朱自
植外委千總方亨猝遇賊於橫塘殺賊甚衆賊誘而
陷之三人力戰而死辰州兵死者二十五人鎮筰兵
死者十九人後鎮筰兵攻清溪苗及寨張六甫陣亡
者凡七人是時貴州難民來奔者辰沅兵備道李珣
爲葺廬舍以棲之賑恤撫循內外之民咸得其所 沅

辰州府志

卷十三

平苗考

五十四

州府志

靖州志

文案

乾隆元年丙辰正月鎮筰鎮兵從征烏羅南商苗

文案

二年丁巳四月初十日調辰州鎮筰及寶慶軍三千人

助討靖州逆獠蒲黃山鳳老一於岔山破之六月二

十六日擒其魁振旅而還

靖州志

四年己未巡撫馮光裕以三廳苗民尚多不法奏請討
之乃以署鎮筰總兵永綏副將劉策名爲總統與兵
備道楊輔臣驛鹽道馬靈阿統兵千二百前進十二
月初三日進圍鳳凰廳所屬之栗林寨凶苗龍三保
龍柳補九人懼而來降初八日進圍永綏廳所屬之

盤鵲泥寨先是寨苗龍老狼屢肆竊掠尙汛把總張珩率兵捕之多爲所傷殺死者一人至是猶恃險抗命遂焚勦之生擒龍老登八人男婦十二人貫龍老二耳者五人十二日補毫寨石老畢四人降而乾州廳所屬葦衝俗作鬼冲排楚等寨復不靖楚南苗志

五年庚申葦衝排楚寨苗楊三楊老科索賄肆侮弁兵乾州廳同知王瑋會營弁擒之衆苗相聚插血爲變自四年十二月二十九三十日及今正月朔日阻河截辰州府所解軍糧且橫踞陸路要挾官兵初九日署總兵劉策名統軍二千二百人往勦葦衝諸苗拒

辰州府志

卷十三

平苗考

五十五

敵傷我兵五人陣亡者四人而他寨苗黨數百人欲抄出官兵後夾陣而攻道經寨陽值同知王瑋所練鄉勇數十人阻之羣懼而退劉策名督其軍奮擊之賊望救不至十二日遂敗奔斬逆苗石三卡等男婦三十七人生擒首逆楊把狗石六月等六十餘人二月初一日復擒補毫逆苗石喬保石把沙父子初三日始班師是歲五月劉策名統鎮筭遊擊徐有容守備曾應鳳千總溫元吉曾友林劉成等八百餘人辰州協守備周文永綏協守備孫成龍等各率二百人從貴州總督張廣泗辰沅靖道王□征廣□義□□

